

Empat UA kita antara 50 terbaik dunia

» USM duduki tangga ke-26 dalam senarai dikeluarkan laman QS

Oleh Rosniza Mohd Taha
yoniza@bh.com.my

■ Kuala Lumpur

Empat universiti awam (UA) Malaysia, tersenarai dalam kelompok 50 universiti terbaik dunia menerusi Penarafan QS Kategori Universiti bawah 50 tahun, yang diumumkan semalam, menerusi laman web Quacquarelli Symonds (QS).

Universiti Sains Malaysia (USM) mendahului senarai pada kedudukan ke-26 dengan markah keseluruhan sebanyak 43.4 peratus, diikuti Universiti Teknologi Malaysia (UTM) di tempat ke-30 dengan markah 41.9 peratus.

Universiti Kebangsaan Malaysia (UKM) berada pada kedudukan ke-32 dengan markah 41.3 peratus, sementara Universiti Putra Malaysia (UPM) pada kedudukan ke-38 dengan markah 39.7 peratus.

Pada tahun 2014 dan 2013, hanya UKM tersenarai dalam penarafan terbabit.

Universiti Singapura teratas
Universiti Islam Antarabangsa Malaysia (UIAM) turut tersenarai dalam 91 hingga 100 terbaik dalam penarafan itu.

Nanyang Technological University, Singapura; menduduki tempat teratas penarafan itu dengan markah 93.9 peratus diikuti Hong Kong University of Science and Technology (88 peratus) serta Korea Advanced Institute of Science and Technology, yang meraih 82.6 peratus.

Penarafan yang mula dilaksanakan sejak tahun 2012 itu bertujuan meraikan perkembangan universiti ‘muda’ yang mencatat lonjakan prestasi dan mampu memberi saingan kepada universiti yang sudah lama ditubuhkan.